

## PALUMMA

Mamòria  
caverna leccu senza vuci  
funtana r'acqua amara  
acqua aruci  
arsura stuta ri la siti.  
Na maccia  
viridi  
rittu zzuccu  
amicu milicuccu  
picciùttanza subbeni e mi cunzola.

Ora  
furmìculi i pinzera  
straviati  
antichi nta-ll'erba cèrcunu i so jola.  
Stizziati i pàmmini  
bbuccatièdhu u zzuccu  
ntra i rrami  
nicuzzu n niru  
ntô pièttu parpitìa.  
Na palumma  
r'ogni ttantu  
si cci posa

e cci stapi e cci rormi  
rricugghiùta.  
Ma quannu agghjòrna  
stenni l'ali  
cciàu !  
e si n'abbola.  
Ggira...ggira...  
supr'è munti supr'ò ciànu  
e-ppuoi torna  
pamminèdha  
ntô so rramu.

Figghia, ora suoru ora matri,  
stiènnu i urazza comu cruci  
se ti viru ri luntanu.

Stiennu i manu a ccuppitièdhu  
se a muddhica t'arricuògghi ca cci truovi.  
Stiennu l'ali agghiri ô suli  
râ menti ppi capìri  
nzoccu cièrchi ciù luntanu.  
E l'armu bbramu  
ca lassa sempri aperta  
spranza  
na filazza ntô ma cori.

---

COLOMBA - *Memoria / caverna eco senza voce / fontana d'acqua amara / acqua dolce / l'arsura spegne della sete / Un albero / verde / diritto il tronco / antico **milicuccu** (bagaloro) / giovinezza sovviene e mi consola // Ora / formiche i pensieri / sparsi / antiche nell'erba cercano le tracce / Brizzolate le foglie / un po' piegato il tronco / tra i rami / piccolino un nido / nel petto palpita. // Una colomba / ogni tanto / vi si posa / e vi resta e là dorme / rannicchiata / Ma quando è giorno / stende le ali / ciao ! / e se ne vola. / Gira gira. / sopra i monti sopra il piano / e poi torna / fogliolina / al suo ramo // Figlia, ora sorella ora madre / stendo le braccia come croce / se ti vedo da lontano / Stendo le mani una coppetta / se la briciola raccogli che vi trovi. / Stendo le ali verso il sol / della mente per capire / quel che cerchi più lontano / E l'animo bramo / che lasci sempre aperta / speranza / una fessura nel mio cuore.*